

**YOSHLARNI HARBIY VATANPARVARLIK RUHIDA TARBIYALASHDA
BUYUK SARKARDALARING HAYOTI, JASORATI VA
QAHRAMONLIKALARINING MUXIM AHAMIYATI**



Kamchiyev Salimberdi Khudayberdievich
*Andijon davlat pedagogika instituti, jismoniy tarbiya va xotin-qizlar
sporti kafedrasi mudiri, dotsent.*
salimberdikamciev@gmail.com

Annotatsiya: Hozirda yosh avlodni ma’naviy-axloqiy va vatanparvarlik ruhida tarbiyalashda buyuk mutafakkirlarimizning faoliyati katta ahamiyat kasb etadi. Ular qoldirgan ma’naviy meros necha-necha avlodlarni ma’naviy-axloqiy kamolotga da’vat etib, yuksak vatanparvarlik ruxida tarbiyalab kelmoqda. O’sha davr allomalarimizning axloq-odob, ta’lim va tarbiya borasidagi dono fikrlari madaniyatimizni yanada ravnaq toptirishda, hozirgi yoshlarning ma’naviy dunyosini boyitishda, ularni yuksak axloqiy fazilatlar ruhida tarbiyalashda muhim ahmiyatga egadir. Muallif tomonidan yoshlarimizga davlatimiz tomonidan bugungi kunda yaratilib berilayotgan shart-sharoitlar ijtimoiy, harbiy sohada olib borilayotgan islohatlar yuzasidan fikrlari ifodalangan.

Kalit so‘zlar: Yoshlarni harbiy-vatanparvarlik va ma’naviy-axloqiy jihatdan tarbiyalash, milliy armiya, yoshlarning ta’lim –tarbiyasida buyuk siymolar me’rosi, Temurbeklar va Jaloliddin Manguberdi maktablari, Zahiriddin Muhammad Bobur.

KIRISH

Yoshlarni harbiy-vatanparvarlik va ma’naviy-axloqiy jihatdan tarbiyalashni yanada kuchaytirishga qaratilgan chora-tadbirlarni amalga oshirishda xalqimizning qadimiy tarixi, buyuk ajdodlarimiz merosi va ularning harbiy san’atni rivojlantirishga qo’shgan hissasini chuqur o’rganish muhim ahmiyatga ega. Hozirgi kunda bu ma’naviy merosdan harbiy xizmatchilarni vatanparvarlik, insonarvarlik, fidoyilik, an’analari ruhida tarbiyalash va ularning mohiyatini yosh avlod ongi va ruhiyatiga singdirishga e’tibor qaratilmoqda. Milliy armiyamiz saflariga o‘z yigitlik burchini

o‘tash uchun kelgan yoshlарimizga boshlang‘ich tayyorgarlikdan dastlab ularga xalqimizning boy ma’naviy merosi, madaniyati, urf-odatlari, buyuk ajdodlarimiz va qaxramonlarimizning tarix zarvaraqlariga muhrlangan jasorati, ularni milliy ozodlik va mustaqillik yo‘lida qilgan xizmatlari hamda harbiy san’atni rivojlantirishdagi sa’yi harkatlarini o‘rganishdan boshlaydi. Bu esa o‘z navbatida harbiy xizmatga ilk qadam qo‘yan yoshlarda vatanparvarlik, Vatanga sadoqat, kindik qoni to‘kilgan ona zamanni himoya qilish, buyuk ajdodlarimizdan faxrlanish va g‘ururlanish tuyg‘ularini oshiradi hamda kundalik faoliyatda dasturilamal bo‘lib xizmat qiladi. Shuningdek, ushbu ishlarning davomi o‘laroq ma’anviy-ma’rifiy tayyorgarlik mashg‘ulotlari, buyuk ajdodlarimizning tavallud kuniga bag‘ishlab o‘tkaziladigan uchrashuvlar, davra suhbatlari, intellektual o‘yinlar, ijodiy ishlari, badiiy kechalar, turli tanlovlari, teatr va kinolarni hozirgi kunda o‘z ahamiyatga ekanligini aytish joizdir.

MUHOKAMA VA NATIJALAR

Amir Temurning “**Temur tuzuklari**” yoshlарimiz tarbiyasida milliy va umum davlat ahamiyatga molik dasturilamalidir. Chunonchi, strategik ahamiyatga molik asarda harbiy-vatanparvarlik tarbiyaning muhim elementlari bayon etilgan. Bo‘lajak Sohibqiron Movarounnahrning yagona hukmdori bo‘lish, buyuk sultanat barpo etishni o‘z oldiga maqsad qilib qo‘ydi, o‘zining porloq istiqboliga katta umid hamda ishonch bilan qaradi va bunga erishdi ham. Uning ruhiyati nafaqat tug‘ma bahodirigi va jasorati bilan, balki ayni paytda Allohga bo‘lgan ishonchu e’tiqodi bilan mustahkamlangan edi. Hozirda buyuk sarkarda davlat arbobi, Sohibqiron Amir Temurning qoldirgan boy tarixiy, ma’naviy, madaniy va ilmiy merosi nafaqat harbiy xizmatchilar hamda o‘sib kelayotgan yosh avlodni ta’lim tarbiyasida muhim ahamiyat kasb etib kelmoqda. Sohibqironning yurt ravnaqi, xalq faroqvonligi, xalqini tinch va osuda hayot kechirishini ta’minalash uchun Armiyasiga qaratgan e’tibori, ilm-fanni rivojlantirish yo‘lida olib borgan ishlari, yosh avlodni intellektual salohiyatini oshirishda keng qamrovli ishlari, shuningdek, ko‘plab davlatlar bilan o‘rnatgan diplomatik aloqalarini yosh avlodga namuna qilib ko‘rsatishimiz mumkin.

Amir Temur nafaqat harbiy yurishlarga, balki davlatni mustahkamlash, obodonlashitirish, iqtisodni ko‘tarish ishlariga ham katta e’tibor qaratgan edi, ayniqsa, shayxlar va din peshvolariga tayandi. Savdogar va hunarmandlarga imkon yaratib, tashqi va ichki savdoni yo‘lga qo‘ydi. Ilm-fan va san’at taraqqiyoti uchun xomiylik qildi. Natijada me’morchilik, naqqoshlik, musavvirlik yuksaldi. Samarqand dunyoning eng go‘zal shaharlaridan biriga aylandi. Ko‘plab shahar va qishloqlarda katta ko‘lamdagi qurlish va tiklash ishlari amalga oshirildi. Bu davr Turon sivilizatsiyasining Temuriylar bosqichi sifatida e’tirof etildi. ‘Biz kim, Mulki Turon, Amiri Turkistonmiz. Biz kim millatlarning eng qadimi va eng ulug‘i turkning bosh bo‘g‘inimiz’, -degan so‘zleri Turon hukmdori Temurbekning hayotiy maqsadi va matlabi edi.

Yurtimizda yoshlarni qo'llab-quvvatlash va ularni ijtimoiy himoya qilish bo'yicha olib borilayotgan isloxbatlari shuni ko'rsatmoqdaki buyuk sarkarda bobomiz kabi o'zi yashab turgan hududni obodonlashtirish, ko'kalamzorlashtirish, hunarmandchilik va musavvirlikning eng yuqori natijalarini ko'rsatish, iml-fanning asl egalarining mukammal ijod namunalarini namoyon etish uchun barcha shart-sharoitlar yaratib berilgan. Intellektual salohiyatga ega bo'lgan yoshlar ongiga buyuk ajdodlarimizning qilgan ezgu ishlarni singdirishimiz va e'tibor qaratishimiz zarur. Buning uchun dastlabki poydevorni o'sib kelayotgan yosh avlodni ota-onasi, keng jamoatchilik, mahalla faolligi, maktabgacha ta'lim muassasalari orqali ta'lim va tarbiyaga, ilm-fanga to'g'ri yo'naltirib borshimiz maqsadga muvofiq bo'ladi.

Buyuk ajdodlarimiz farzandlarning ta'lim-tarbiyasida juda katta tajriba mактабини yaratgan, sog'lom bola jismoniy va ma'naviy barkamol insondangina tug'ilishi, kelajakda jamiyatga va oilasiga foyda keltirishini ota-bobolarimiz teran anglab yetishgan. Amir Temur bobomiz ham aynan o'zi har tomonlama yetuk va barkamol bo'lgani uchun, kelajak avlod davlat va jamiyat hayotida juda katta o'rin tutishini o'z aql ko'zi bilan avvaldan ko'ra olgan hazrati inson edi.

U avvalo farzandlarni dunyoga keltiradigan ota-onalarning ma'naviy va jisman sog'lomligini talab etgan. U ichkilik, chekish kabi zararli illatlarga qarshi kurashgan, yoshlarning yengil-yelpi hayotga o'r ganishiga, qiyinchilik va mehnatu mashaqqatlarsiz hayot kechirishiga, aysh-ishratlarga berilishiga hamda benikoh farzand tug'ilishiga qarshi bo'lgan.

Har qanday jamiyatda insonlar yuksalsagina, yuksak salohiyatli, ma'rifatli, ziyoli avlod shaklansagina, avloddan avlodga o'tib kelayotgan buyuklarning ilmiy meroslarini o'r ganish, uni hayotga tadbiq etib har tomonlama rivojlanib borayotgan yoshlar olgan ilmiy va amaliy bilimlarini amalda sayqallab borgan insonlar bilan ma'naviy-axloqiy sifatlar namoyon bo'lgan o'sish kamolotida nafaqat minglab milyonlab yoshlar, insonlar, ziyoli xalq, butun boshli jamiyatda yurt ravnaqiga, xalq faravonligiga ulkan hissa qo'shuvchi yuksak bilim va salohiyatli, keng tafakkurga ega bo'lgan, o'zining yangi keng qirrali g'oyalari bilan ilm-fan ravnaqiga o'z hissasini qo'shib, innovatsion g'oyalari yaratib xalq manfaatiga xizmat qiluvchi yoshlar yurti ulug' mutafakkir bobomiz takidlaganlaridek Abu Nasr Farobiyning "**Fozil odam yurti**"ga asos solinsa ajab emas. Bu muqaddas zamindan ne-ne daxolar, olimlar, sarkardalar hali hamon dunyo jamiyatini lol qoldirib kelayotgan buyuk matafakkir, allomalar yetishib chiqqan. Bu ko'hna diyor o'z bag'rida buyuk astronomlarni, qomusiy olimlar, geodeziya, geografiya, algebra, tibbiyot, fizika, kimyo, falakiyot, musiqa fanlarining faylasuflarini, asarlari dunyoning o'nlab tillariga tarjima qilingan islom dunyosida hadis ilmining sultonini deya nom qozongan muhaddislar, shoh va shoirlar va bir qancha ilmiy yo'nalishlarda faoliyatlarini olib borgan serqirra donishmadlarni kamolotga yetkazgan. O'rta Osiyoning bir necha ming yillik tarixi

mobaynida ajdodlar tomonidan vatanparvarlik, fidoyilik, xalqparvarlik fazilatlarini yosh avlod ongiga singdirishga alohida e'tibor berib kelingan. Qadimgi yozma yodgorliklar, bitiktoshlar, xalq og'zaki ijodi namunalari, dostonlar rivoyatlarda tilga olingan, tasvirlangan voqeа-hodisalar, ularning ishtirokchi va qahramonlari aks ettirilgan obrazlar fikrimizning dalilidir. Hozirgi kunda bu ma'naviy merosdan harbiy xizmatchilarni vatanparvarlik, insonarvarlik, fidoyilik, an'analari ruhida tarbiyalash va ularning mohiyatini yosh avlod ongi va ruhiyatiga singdirishga e'tibor qaratilmoqda.

Zahiriddin Muhammad Bobur uzoq yillar davomida o'rta asr Sharq madaniyati, adabiyoti va she'riyatida o'ziga xos o'rin egallagan adib, shoir, olim bo'lish bilan birga yirik davlat arbobi va sarkarda hamdir. Bobur keng dunyoqarashi va mukammal aql-zakovati bilan Hindistonda Boburiylar sulolasiga asos solib, bu mamlakat tarixida davlat arbobi sifatida nomi qolgan bo'lsa, serjilo o'zbek tilida yozilgan "**Boburnoma**" asari bilan jahonning mashhur tarixnavis olimlari qatoridan ham joy oldi. Uning nafis g'azal va ruboilyari turkiy she'riyatning eng nodir durdonalari, risolalari esa islom qonunshunosligi, she'riyat va til nazariyasi sohalariga munosib hissa bo'lib qo'shildi.

Sharq xalqlarining ta'lim va tarbiyasida inson xulqini belgilovchi bir qancha mezonlar bo'lib, shulardan biri jamoat orasida yoshi ulug', mansabdor, ilmli va hurmatli shaxslar oldida o'zini qanday tuta bilish, ota-onani hurmat qilish, ular xizmatini so'zsiz bajo keltirish, ota-onsa oldida o'zini axloqli tutish, ota-onaning ham o'z farzandi uchun mehribon, jonfido bo'lishi kerakligiga qarab baholash alohida o'rin tutgan. Bobur ijodida vatanparvarlik tuyg'usi yetakchi o'rinni egallaydi. U Vatanga bo'lgan muhabbat va sadoqat, shaxsning vatanparvarligi, yetukligi, milliy iftixori kabi fazilatlarida aks etishini ta'kidlaydi. Yuksak badiiy did, chin insoniy axloq soxibi bo'lgan Bobur qaysi shaharda, qaysi davlatda bo'lmasin, xalqlar o'rtasida vatanparvarlikni keng targ'ib etadi.

Hozirda yosh avlodni ma'naviy-axloqiy va vatanparvarlik ruhida tarbiyalashda buyuk mutafakkirlarimizning faoliyati katta ahamiyat kasb etadi. Ular qoldirgan ma'naviy meros necha-necha avlodlarni ma'naviy-axloqiy kamolotga da'vat etib, yuksak vatanparvarlik ruxida tarbiyalab kelmoqda. O'sha davr allomalarimizning axloq-odob, ta'lim va tarbiya borasidagi dono fikrlari madaniyatimizni yanada ravnaq toptirishda, hozirgi yoshlarning ma'naviy dunyosini boyitishda, ularni yuksak axloqiy fazilatlar ruhida tarbiyalashda muhim ahamiyatga egadir. Shunday ekan, bugun yosh avlodni ajdodlarimizning mana shunday boy ma'naviy merosidan oziqlanishsa, o'zlarining ma'naviy, axloqiy va intellektual sifatlarini shakllantirishsa, maqsadga muvofiq bo'ladi. Temuriylar sulolasining vakili shoh va shoir Zahiriddin Muhammad Boburning ma'naviy merosida yoshlarni bilim olishga, odobli, axloqli bo'lishga da'vat etish g'oyasi ustun turadi. Bobur bobomizning insonlarni birodarlikka, inoqlikka,

shafqatli, insofli bo‘lish, Vatanni e’zozlash, ma’rifatparvarlik va axloqiy g‘oyalari hozirgi davrda yosh avlodni ta’lim va tarbiyasida katta ahamiyat kasb etadi.

Yoshlarni vatanparvarlik tuyg‘usining kuchayishiga sabab bo‘luvchi buyuk srakarda, xususan, Jaloliddin Manguberdi bobomizning ko‘rsatgan jasoratlari ko‘p asrlar o‘tsa hamki, o‘z qadr qimmatini va ahamiyatini yo‘qotmaydi. Ular yoshlar qalbida Vatanparvarlikdek Oliy tuyg‘uga xizmat qilish shijoatini jo‘sh urdirib turadi. Ajdodlarimizning harbiy salohiyati tarixini o‘rganish yosh avlod qalbida Vatanga muhabbat tuyg‘usini uyg‘otishda alohida ahamiyatga ega.

Ne-ne podshohlar Chingizzonga taslim bo‘lib, oyog‘iga poyandozlar to‘shaganida Jaloliddin unga mardonavor qarshi chiqdi, o‘n bir yil davomida Turkiston, Hindiston, Eron zamin va Qofqozda kuchlarni birlashtirib, hurriyat tug‘ini baland ko‘tardi, poydon davlat tuzishga, mo‘g‘ul qo‘sishlarini ketma-ket mag‘lub etishga muvaffaq bo‘ldi.

Vatanimizni ko‘p ming yillik tarixi el-yurtimizni bosqinchi, yovuz kuchlardan himoya qilish, millatimizning erkinligi va or-nomusini asrash yo‘lidagi buyuk voqealarni, bu kurashlarda jasorat va mardlik ko‘rsatgan buyuk shaxslarning nomlarini asrlar davomida o‘zining yorqin xotirasida saqlab kelmoqda. Jaloliddin Manguberdi-on a yurt himoyachisi, jasur sarkarda va davlat arbobi, xalqimizning Spitamen, Muqanna, Najmuddin Kubro, Amir Temur singari tarixda o‘chmas iz qoldirgan milliy qahramonidir. Jaloliddin Manguberdi bor yo‘g‘i o‘ttiz ikki yillik qisqa hayoti davomida elu yurt uchun, xalq ozodligi uchun so‘nmas xizmat qilishga ulgurgan ulug ajdodimizdir.

Sulton Jaloliddin Manguberdi o‘z elining baxtu saodati uchun hayot-momot janglarida jon fido etdi. Lekin dunyoda hech qanday xayrli ish bejiz ketmaydi. Millat ruhi, odamzotning ozodlik sari intilishi abadiydir. Oradan bir asr o‘tib, sohibqiron Amir Temur Jaloliddin Manguberdi boshlagan ozodlik kurashini yangi sharoit va ulkan miqyoslarda davom ettirdi. Ona yurtimizni bosqinchilardan xalos qilib, markazlashgan qudratli davlat barpo etdi. Hayot bor ekan, davlat, el-yurt bor ekan, o‘zing tug‘ilib o‘sgan, ota-bobolaring hoki yotgan, ertaga farzandlaring kamol topadigan tuproqning har bir qarichini muqaddas bilib, uni himoyalash, zarur bo‘lsa, bu yo‘lda jon fido etishga tayyor turish kerak.

Tarixi qariyb uch ming yilga boradigan, buyuk fan va madaniyat o‘lkasi bo‘lgan, jahon sivilizatsiyasiga beba ho hissa qo‘sishgan ulug‘ zotlar vatani dunyoga ma’lum va mashhur. Bu yurt tengsiz allomalar, aziz-avliyolar, podshohu sarkardalar, botir va pahlavonlarni ko‘p ko‘rgan. Ular orasida milliy qahramonimiz Jaloliddin Manguberdining betakror nomi yulduzdek charaqlab turadi. Sulton Jaloliddin siyoshi O‘zbekistonning faxru g‘ururidir. U bizning milliy ozodligimiz, istiqlolimizga tajovuz qilmoqchi bo‘lgan har qanday yovuz kuchga qarshi tik turib kurashishga, mardonavor zarba berishga qodirligimizning tasdig‘i va timsolidir. Bu bahodir zotning muborak nomi va uning ko‘rsatgan qahramonliklarini yosh avlod ongiga singdirish, buyuk

ajdodlarimizdan faxrlanish va g'ururlanish tuyg'ularini shakllantirish muhim ahamiyatga ega.

Jaloliddinning el-ulus, Vatan ozodligi va mustaqilligi yo'lidagi fidoyiligi. Mislsiz jasorati mangulikka daxldordir. Istiqlol nashidasini surayotgan mustaqil O'zbekistonda ulug' ajdodlar ruhining e'zozlanayotgani beziz emas. Zero, anashu aziz va muqaddas Vatan oldidagi xizmatlarining, bugun biz erishgan istiqlolgacha ham buyuk ajdodlar ming xalq, yurt ozodligiga qo'shgan hissasining tan olingenidir. Mustaqillikka erishgandan keyin dastlab chorak asr davomida milliy tiklanish bilan shug'ullanishga to'g'ri keldi. Endilikda milliy tiklanishdan milliy yuksalishga o'tganimizdan keyin, uchinchi Renessansga erishishni davlat rahbari strategik vazifa etib qo'ydi. Haqiqatan tarixan olganda biz ikki Renessansni boshdan kechirdik: birinchisi IX — XII asrlar, ikkinchisi XIV asr oxirgi choragi — XVI asr birinchi choragi.

Birinchi Renessansda yurtimizdan Farg'oniy, Xorazmiy, Forobiy, Beruniy, Ibn Sino, Yusuf Xos Hojib, Mahmud Qoshg'ariy, Mahmud Zamashariy kabi buyuk daholar, buyuk muhaddislar — Buxoriy, Termizi, mutakallimlar — Moturidiy va Abul Muin Nasafiy hamda boshqa atoqli dunyoviy va diniy allomalar shuuri olamni yoritdi.

Ikkinchi Renessansda — Ulug'bek, G'iyyosiddin Jamshid Koshiy, Qozizoda Rumiy, Ali Qushchi, Lutfiy, Jomiy, Navoiy, Behzod, buyuk me'morlar, bastakorlar, musavvirlar, tarixchilar chiqib, bugun ham dunyoni lol qoldirayotgan asarlar yaratdilar.

Har ikki Renessans davrida biz dunyoning ilg'or, mutaraqqiy xalqlari qatorida edik. Agar yana shunday darajaga erishmoqchi bo'lsak, Uchinchi Renessansni amalga oshirmog'imiz zarur.

O'zbekiston Respublikasi Prezidenti topmonidan olib borilayotgan keng ko'lamli islohatlarda yoshlarni vatanparvarlik ruhida tarbiyalash, ularni ijtimoiy qo'llab-quvvatlash va bandligini ta'minlash borasidagi ishlarni manzilli va maqsadga yo'naltirilgan holda tashkil etish bo'yicha bir qator vazirlik va idoralarga aniq topshiriqlar belgilab berildi. Jumladan, 2024-yilda ushbu yo'nalishdagi ishlarni yangi sifat bosqichiga olib chiqish, yoshlarga hayotda o'z yo'llarini topish, adashganlarni to'g'ri yo'lga qaytarish va sog'lom hayot kechirishlari uchun barcha shart-sharoitlarni yaratishda jamoat tashkilotlari, respublika miqyosida yoshlari biriktirildi.

Biriktirilgan yoshlari 7 toifaga ajratildi va har bir toifa yoshlari bilan samarali ishlarni tashkil etish uchun yo'l Harita va Harakatlar rejalarini ishlab chiqildi. Ushbu tadbirlar maktab o'quvchisidan tortib oliy ma'lumotga ega bo'lib ishsiz yurgan yoshlarni qamrab olgan. Ularni har tomonlama qo'llab-quvvatlash davlat siyosati darajasida olib borilmoqda. O'zbekistonda bugun jadallik bilan kechayotgan ana shunday islohotlar, jamiyatdagi yangilanishlar mamlakatda kezayotgan uyg'onish ruhidan dalolatdir. Uchinchi Renessans uzoq istiqbol masalasi emas. U bugun, ushbu

onda jamiyatimiz, uning har bir jabhasida muttasil etilib kelayotgan real voqelikdir. Ishonchimiz komilki, yurtimizda boshlangan bu yangilanishlar izchil davom etadi va xalqimiz orzu qilgan buyuk davlat, farovon kelajak barpo etishda mustahkam poydevor bo'ladi.

Biz buyuk ajdodlarimiz bilan faxrlanishimiz, g'ururlanishimiz kerak, faqat g'ururlanishning o'zi yetarli emas, kelinglar, o'zimiz ham, xuddi ular kabi, mana shu bebaho merosga o'z hissamizni qo'shaylik!

Yoshlarda Jaloliddin Manguberdi va Zahiriddin Muhammad Bobur haqidagi tasavvurlarni shakllantirish, bugini kunning eng asosiy vazifalardan biri.

Tarixsiz, tarixiy shaxslarsiz kelajakka intilib bo'lmaydi, mo'g'ul imperiyasining asoschisi Chingizzon aytganidek bu olamda Jalollidinga teng keladigan sarkarda yo'q. U quruqlikda sher, suvda esa nahang kabi kurashadi deb ta'kidlab o'tdi. Aynan biz bugungi kun yoshlarimizga buyuk ajdodlarimiz shaxsi sifatida ko'proq ma'lumot bersak nur ustiga a'lo nur bo'ladi. Yuqorida yurtimizda yoshlarga yaratilgan shart-sharoitlar va keng imkoniyatlarning ma'lum bir qismlarigagina to'xtalib o'tdik.

XULOSA

Xulosa o'rnila shuni aytish mumkinki yoshlarni harbiy vatanparvarlik ruhida tarbiyalash bo'yicha keng qamrovli islohatlar olib borilmoqda. Har bir o'quvchi maktab davridanoq yoshlar siyosatidan, yaratilgan imkoniyat va imtiyozlardan to'g'ri va unumli foydalansa oldimizga qo'yilgan ezgu maqsadlarning bir qismiga erishgan bo'lamiz.

Adabiyotlar:

1. Yangi O'zbekiston Strategiyasi O'zbekiston Respublikasi Prezidenti Sh.M.Mirziyoyev Toshkent: "O'zbekiston nashriyoti", 2021 y.
2. O'zbekistonda ijtmioiy fanlar. 1999 y.
3. <https://мудофаа.уз>.